

抵家，挺立棺侧，术人将碗水倾地，尸即倒，须亟为收敛，否则，尸即变现出腐败之形矣（原注：如已死一月者，尸即现一月之腐状，余仿此）。宣统己酉秋，六安杨宽夫客湘中，尝于长沙城外亲见之。

四〇 盲妹 移腐术 蒙古包

蔡公一郎中言，广州盲妹能以手识人，客出手使抚，辄曰君为谁某，虽十年之久不误。盲妹有绝美者，其先曾纳一姬，人以其盲，呼为睡美人。又云，蜀湘术士有移腐之术，蜀尤多。有客死于外，须俟家属视敛，而虑日久尸腐。术士至，悬豕肉一方于壁，口念咒语，手撮尸之浮气，置于豕肉，尸不腐，可历兼旬之久，或且一月，而豕肉生蛆出脓，尸完好如故。敛毕仍持咒作法，而豕耗之蛆脓，不知所往，如新宰之豕肉。珂曰：“此术士殆亦祝由科，其术与赶尸之术相类也。”又云：“曩于香山徐雨之观察家啖蒙古包，即包子而较大，口径可二寸强，馅不多，亦无甚汤，入口即化，一口可吞。谓之曰蒙古包者，雨之主垦牧于蒙古时，尝从蒙古人习治面、发酵之法，故甚松。且雨之之庖人，以经验多，而为佳手。盖雨之每入酒楼，辄令庖人观其烹饪，纵其饜饫，久之遂能合众美而名一家。”公一为德化和甫观察钧之哲嗣，丁卯腊月，珂于许绶承郎中之印席上遇之。